

386 403



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Broj: 038/17
Sarajevo, 22.03.2017.

Skupština Kantona Sarajevo
Zastupnik/ca
Klub zastupnika Naše stranke

22 -03- 2017

01 58 11734

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
Skupština Kantona Sarajevo
n/r predsjedavajuća Ana Babić

Vlada Kantona Sarajevo
Ministarstvo za obrazovanje, nauku i mlade Kantona Sarajevo
n/r ministar Elvir Kazazović

PREDMET: ZASTUPNIČKO PITANJE/INICIJATIVA

Poštovana,

na osnovu članova 106. i 213. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) upućujem sljedeće zastupničko pitanje prema Ministarstvu za obrazovanje, nauku i mlade Kantona Sarajevo, na koje tražim odgovor u zakonski predviđenom roku:

1. Tražim da mi se dostavi informacija o broju trenutno upisanih studenata, koji studiraju po predbolonjskim nastavnim planovima i programima, na svim organizacionim jedinicama (fakultetima i akademijama) u sklopu Univerziteta u Sarajevu.
2. Od Univerziteta u Sarajevu i njegovih organizacionih jedinica (fakulteta i akademija) tražim preciznu informaciju o načinu na koji rješavaju ili namjeravaju pristupiti rješavanju statusa studenata koji su upisani po predbolonjskom načinu studiranja, a koji studij nastavljaju po Bolonjskom procesu, kako u slučaju prelaska na način studiranja po Bolonjskom procesu na zahtjev samog studenta, tako i u slučaju nezavršetka započetog studija do najkasnijeg zakonski predviđenog roka, u skladu sa članom 71. važećeg Zakona o visokom obrazovanju. Zanima me kako se vrši, u ovom članu spomenuta, ekvivalencija, na koju godinu studija i u kojem statusu ovi studenti budu upisani na fakultet/akademiju nakon prelaska na način studiranja po Bolonjskom procesu?

Ovaj zahtjev upućujem iz razloga što je u proceduri novi Zakon o visokom obrazovanju Kantona Sarajevo, te nam je potrebna tačna informacija o trenutnom broju studenata koji studiraju po predbolonjskim nastavnim planovima i programima, na svim organizacionim jedinicama (fakultetima i akademijama) u sklopu Univerziteta u Sarajevu, kako bih njihov status novim Zakonom bio regulisan na adekvatan način.,

Naime, članom 71. stavom (2) važećeg Zakona o visokom obrazovanju predviđen je rok završavanja studija po predbolonjskom procesu, i on je 30. septembar 2018. godine. Istovremeno, stav (3) kaže da nakon isteka ovog roka, student ima pravo nastaviti studij po Bolonjskom procesu na bazi

ekvivalencije studija, u statusu i pod uvjetima utvrđenim od strane visokoškolske ustanove. Osim ovakvih slučajeva, postoje slučajevi gdje studenti po svojoj želji mogu zahtijevati prelazak na način studiranja utvrđenim Blonjskim procesom. Iz tog razloga zanima nas na koji način je njihov status u takvim slučajevima regulisan na Univerzitetu u Sarajevu. Kako se vrši u Zakonu pomenuta pristupanja rješavanju ovog pitanja i utvrđivanje toga da li je potrebno ovo dodatno precizirati novim Zakonom ili određenim podzakonskim aktom.

Molim da Ministarstvo odgovori na ovo pitanje u zakonski predviđenom roku.

S poštovanjem,

Sabina Ćudić
Zastupnica Naše stranke u Skupštini Kantona Sarajevo

